

# Internacia Ĵurnalisto

cirkulero de Tutmonda Esperantista Ĵurnalista Asocio (TEĴA)

## En la amuzosocio

Seriozaj temoj tedas, precipe politikaj

Paul Peeraerts, redakcia sekretario de MONATO, konstatis, ke draste reduktiĝis artikoloj en la rubriko „politiko“ de l' internacia magazino sendependa pri politiko, ekonomio kaj kulturo. Ĉu do la ĝenerala tendenco de l' okcidenta ĵurnalismo – redukti seriozan politikon favore al amuzaj kaj distraj temoj – atingis nun ankaŭ esperant-lingvajn gazetojn?

Krom MONATO estas ne multaj periodaĵoj uzantaj la lingvon internacian, kiuj aperigas pli malpli regule politikajn artikolojn: *Sennaciulo*, *Kontakto*, *La Ondo de Esperanto*, *El Popola Ĉinio*. Sporade oni trovas politikajn temojn en organoj de landaj asocioj aŭ okaze eĉ en *Esperanto*, organo de UEA. Sed ke nun ĝuste tiun gazeton, kiu principe kaj precipe elstarigis politikajn temojn, kiujn ĝi indikas unuale, ke en sia subkapa linio, ŝajne infektis la malsano de „infodistro“, povas kaj eble devas mirigi.

### Konata fenomeno

La fenomenon mem ni priskribis relative ofte kaj detale en *Internacia Ĵurnalisto*, klarigante ke sekve de populariĝo de televido – kies precipa celo intertempe estas preskaŭ nur distri kaj amuzi – ankaŭ gazetaro rezignis pli kaj pli multe pri seriozaj temoj. Krome, en mondo, kiu iĝis tre komplika, politiko por la ordinaj homoj estas nuntempe grand-

parte ne plu komprenebla, ne travidebla, kaj tial teda. En industriaj landoj homoj plejparte fartas relative bone kaj do plene povas trempiĝi en la nun ĉion destinan „amuzosocion“, kies plej grava propagandisto estas televido. Neniam antaŭe oni havis tiom da (onidire) amuzaj, komediaj, distraj, ridigaj programoj. Problemojn kaj seriozajn temojn oni simple ignoras.

Kial Esperanto-uzantoj estu aliaj? Ili vole nevole vivas en tiaj amuzosocioj kaj ne povas eviti influojn de sia medio. Do neniu

## Faktoj kaj opinioj nekutimaj

Kelkaj rezonoj pri mia plej ŝatata Esperanto-revuo

Partoprenante la vivon de la esperanto-movado, esperantisto bezonas daŭre rikolti – je persona nivelo – la fruktojn de ties kresko kaj kulturo. Koni faktojn de tutmonda vivo per neŭtrala komunikilo, Esperanto-revuo, estas unu el la plej gravaj de tiuj fruktoj.

Tiusence MONATO estas antonomazie la internacia revuo, kiu kompetentas pri internaciaj neesperantistaj informoj. Al legantoj, al kutimiĝintaj ĝenerale elekti ĵurnalon plej najbaran al siaj opinioj, komence povas ŝajni strange – preskaŭ asepse – legi faktojn apartigitajn de opinioj aŭ sen komentario de samopinia

**Ne forĵetu  
la koverton!**

Atentu la adres-etikedon!  
Detalojn vidu sur paĝo 2.

miru, ke antaŭ nelonge oni lanĉis novan revuon **AmUzE** kun la epiteto „Bunta! Distra kaj Utila!“ Do eble ankaŭ MONATO devos renversi siajn preferojn: ne politiko okupu la unuan lokon en la subkapa linio, sed AMUZO. R. Rinaldo, kies laŭdon pri la magazino vi trovas sube, eble devos entombigi siajn ambiciajn ideojn.

S. Maul

eminentulo. En nacia gazetaro unuflanke la posedanto de iu gazeto celas disvastigi siajn ideojn, aliflanke legantoj ŝatas partianiĝi.

### Ne neŭtrala

Nur iom post iom – ne sen peno – ni povas apreci legadon de nuraj faktoj. En MONATO oni ofte havas eblecon legi malsimilajn opiniojn, ĉar validas prudenta regulo, laŭ kiu pri enhavo respondencas la aŭtoro mem. Certe estus bone devigi aŭtorojn disigi faktojn de opinioj per evidenta sistemo ene de la artikolo mem.

Mia koro – kiel ne aldoni – batas

## KOLOFONO

### **Internacia Ĵurnalisto**

cirkulero de

Tutmonda Esperantista Ĵurnalist-  
Asocio (TEĴA)

aperas maksimume 4foje jare

Redakcio: Stefan Maul, Pferseer  
Str. 15, DE-86150 Augsburg,  
Germanio; retadreso:

maul@newsfactory.net

Redaktofino de tiu ĉi numero: 15  
dec 99

Artikoloj signitaj prezentas la  
personan opinion de l' aŭtoroj  
kaj ne nepre kongruas kun la opi-  
nio de l' redakcio.

Administrado: Flandra Esperan-  
to-Ligo (FEL), Frankrijklei 140,  
B-2000 Antwerpen, Belgio

Verantwoordelijke uitgever:  
Paul Peeraerts, Frankrijklei 140,  
B-2000 Antwerpen

### **Estrarado de TEĴA:**

Prezidanto: Stefan MAUL (adre-  
so supre)

Vicprezidanto: Paul GUBBINS,  
3 Arden Court, Mossley, Congle-  
ton, Cheshire CW12 3JH, Britio;  
retadreso:

100103.3317@compuserve.com

Sekretario/kasisto: YAMASAKI  
Seikō, Higasi Koigakubo  
3-18-12, Kokubunzi, JP-  
185-0014 Tōkyō, Japanio; ret-  
adreso: syama@dokkyo.ac.jp

Estrarano: Aleksander  
KORĴENKOV

Arbitracia komisiono: István  
ERTL, Andrzej PETTYN,  
László SZILVASI

Laborkomisiono pri trejnado de  
ĵurnalistoj: estro Paul GUBBINS  
(adreso supre)

Laborkomisiono de radioĵurnali-  
stoj: Andrzej PETTYN

Landaj sekcioj en Bulgario, Ja-  
panio, Pollando kaj Ruslando

Membrokotizo: 10 eŭroj jare  
(B-landoj 2,50 EUR). Pagu al  
konto teĵh-u ĉe FEL (adreso su-  
pre) aŭ al UEA-konto de TEĴA:  
ttmj-f.

maldekstre. Pro tio post faktoj  
mi ŝatas la opiniojn de S. Maul.  
Kaj ĉu vere povas revuo estis tu-  
te neŭtrala? Mi dubas. Do, se ni  
devas aldoni opinion, taŭgas ke  
ĝi estu laŭ la interna ideo de  
Esperanto: demokrata kaj homa-  
ranisma, neniam individuista kaj  
modere liberalisma.

### **Proponoj**

Kiel plue plibonigi MONATOn?  
Persone mi aranĝus jene kaj sin-  
sekve ties rubrikojn:

1. internaciaj aferoj kun aparta  
kaj ĉiama atento kaj defendo de  
UN;

2. homaranaj valoroj: ekologio,  
paco, etnismo, socia malegaleco,  
rasismoj, libereco, lingvaj rajtoj;  
3. lokaj aferoj kun aparta kaj ĉia-  
ma atento al la evoluo de Eŭropa  
Unio;

4. ekonomio laŭ solidareco vid-  
punkto kun aparta atento al la  
ekarto inter riĉaj kaj malriĉaj  
landoj;

5. scienco, teknologio kaj tekni-  
ko kun aparta atento al informa-  
diko kaj medicino;

6. kulturo, beletro, spektakloj kaj  
sportoj.

Reagojn aŭ leterojn mi aldonus  
en la koncerna rubriko sekve de  
resumo de la pritraktata temo.

Giancarlo Rinaldo

## **Estrara komunikado**

Dum la Universala Kongreso  
(UK) en Berlino 1999 estraranoj  
de TEĴA kunvenis por mallonga  
estrarkunsido, sen alpreni iujn  
gravajn decidojn. Oni diskutis la  
situation de la asocio, konklud-  
ante ke ĝi daŭre restas sama:  
neniu aktiveco de membroj kaj  
precipe manko de materialo por  
plenumi paĝojn de nia organo. Ta-  
men la resolidiĝinta financa si-  
tuacio permesus, denove eldoni  
ĝin revuforme. Aliflanke deman-  
do estas, ĉu valoras por la reduk-  
tiĝinta nombro de membroj.

La trejnkurso funkcietas kun mal-  
pli da studentoj ol en la antaŭaj  
jaroj.

Estraranoj, krome, aktive parto-  
prenis kongres-laborojn: Maul  
kunredaktante la kongresan ku-  
rieron, Gubbins ekzamenante,  
multfunkciulo Yamasaki en di-  
versaj fakoj kaj rondoj.

Li, cetere fariĝis honora membro  
de UEA. Gratulon!

### **Kasraporto**

Saldo 1998-07-01 24 311 BEF

Enspezo 17 376

Elspezo 2 728

Saldo 1999-06-30 38 959 BEF

## **Ni volas regajni vin kiel membron!**

Ĉiun jaron TEĴA havas la problemon, ke ne malmultaj membroj ne-  
glektas kotiz-pagon, ofte nur pro forgeso. Ni proponas al vi eviti ti-  
an neglekton: pagu por pluraj, ekz. 3 aŭ 5 jaroj. Ne estas ja giganta  
sumo, kun jara kotizo de nur 10 eŭroj.

Vi trovas sur la adres-etikedo malantaŭ via nomo duciferan aldo-  
non; tiu indikas la jaron de via lasta kotizpago, do 97 ekz. signifas,  
ke tiun jaron vi pagis, sed poste ne plu. Kompreneble ni ne atendas  
postpagon, sed nur kotizon por la jaro 2000 (kaj eventuale sekvaj),  
se vi volas renovigi vian membrecon – kaj ni esperas, ke vi volas...

La kasisto anticipu petas pardonon pro eventualaj eraroj pri kotiz-  
pagoj; kiu trovis eraron, bonvolu informi la kasiston, prefere kun  
dato kaj konto de lia pago.